

Program Strategi Lautan Biru UMSKAL

► Untuk masyarakat Pulau Banggi, Kudat

UB 31.7.13 B3

UNIVERSITI
Malaysia
Sabah, Kampus
Antarabangsa Labuan
(UMSKAL) telah
mengadakan program Amal
Strategi Lautan Biru di
Pulau Banggi, Kudat pada
26 Julai lalu.

Turut menjayakan
program itu ialah Jabatan
Pertahanan Awam (JPAM)
Labuan, Pasukan Latihan
Pegawai Simpanan Udara
(PALAPES Udara)
UMSKAL, Pejabat DUN N1
Banggi dan Pejabat Daerah
Kudat.

Pengarah UMSKAL, Prof
Madya Dr Ismail Ali, berkata
program itu bertujuan
untuk meningkatkan
tahap keprihatinan
kakitangan dan agensi
kerajaan bagi meringankan
beban masyarakat yang
memerlukan bantuan.

Beliau yang mewakili Naib
Canselor UMS, Prof Datuk
Dr Mohd Harun Abdullah
berkata ianya juga untuk
merapatkan hubungan antara
UMS dengan masyarakat
dan membudayakan amalan
membaca dalam kalangan

masyarakat.

Turut diadakan program
ziarah Ramadan sempena
bulan Ramadan.

“Sebagai usaha murni
kakitangan dan tidak
melunturkan semangat
peserta untuk menabur bakti
kepada masyarakat walaupun
dalam bulan Ramadan dan
berhadapan dengan cuaca
panas,” katanya.

Beliau berkata demikian
pada majlis penyerahan
100 unit tilam dan 150
unit kerusi kepada wakil
masyarakat Pulau Banggi,
Amir Hamzah.

Peserta program turut
mendedarkan buah kurma
serta bahan bacaan untuk
kegunaan masyarakat
termasuk pelajar Pulau
Banggi di Kudat.

Sementara itu, Ahli Dewan
Undangan Negeri (Adun)
Banggi, Datuk Abdul
Mijul Unaini merakamkan
ucapan terima kasih dan
penghargaan atas usaha UMS
membantu meringankan
beban masyarakat di Pulau
Banggi.

Beliau yang diwakili
Amir Hamzah berharap

sumbangan dan bantuan
seperti itu akan merapatkan
lagi hubungan antara UMS
dengan pemimpin dan
masyarakat Pulau Banggi.

Turut hadir Pengarah
JPAM Labuan, Mejar (PA)
Awang Askandar Ampuan
Yaacob, Ajutan PALAPES
Udara UMSKAL, Kapten
Muqlis Badrul Hisham

dan Timbalan Pendaftar
UMSKAL, Zamri Mohamad
Tuah.

Hadir sama Penolong
Jurutera Kanan UMSKAL,
Mohd Azrie Tanjong,
penyelaras program,
Fadzli Sarudi, pegawai
dan kakitangan JPAM,
PALAPES Udara dan
UMSKAL.



DR ISMAIL (enam kanan) bersama pegawai yang terbabit menjayakan program Strategi Lautan Biru UMSKAL di Pulau Banggi, Kudat .